

Headline	Malam Gala Amal kumpul dana Peka		
MediaTitle	Sinar Harian		
Date	29 May 2016	Language	Malay
Circulation	279,000	Readership	837,000
Section	Nasional	Page No	47
ArticleSize	595 cm ²	Journalist	HAFEZDZULLAH
PR Value	RM 30,448		



Malam Gala Amal kumpul dana Peka

Isu pelihara, pulihara khazanah alam terus diperjuang

■ HAFEZDZULLAH HASSAN
FOTO: SHARIFUDIN ABDUL RAHIM

KUALA LUMPUR - Sultan Selangor, Sultan Sharafuddin Idris Shah berkenan mencemar duli menghadiri majlis Makan Malam Gala Amal Peka 2016.

Majlis yang dianjurkan Pertubuhan Pelindung Khazanah Alam Malaysia (Peka) buat julung kalinya bertujuan mengumpul dana untuk NGO itu meneruskan aktiviti mereka pada masa depan.

Presiden Peka, Puan Sri Shariffa Sabrina Syed Akil berkata, Peka adalah sebuah NGO yang memperjuangkan isu berkaitan pemeliharaan dan pemuliharaan khazanah alam khususnya hutan hujan tropika di negara ini.

"Selain itu, Peka turut menjalankan aktiviti penanaman semula pokok hutan seperti 'Save Our Rainforest Race' (Sorr) yang kini memasuki edisi keempatnya.

"Gerakan Peka berjaya mendapatkan sumbangan daripada 30 syarikat korporat, badan berkanun dan individu untuk menjayakan program pemuliharaan yang dianjurkan sejak NGO itu ditubuhkan pada 2010 lalu," katanya ketika berucap pada Majlis Makan Malam Gala Amal Peka 2016 berkenaan.

Hadirsama, Pengasas Sekolah Antarabangsa Cempaka, Datuk Frieda Mohd Pilus; Pengurus Besar Kanan Hal Ehwal Korporat dan Komunikasi Tenaga Nasional Berhad (TNB), Datuk Mohd Aminuddin Mohd Amin dan wakil pelbagai NGO.

Dalam pada itu, Peka turut memperkenalkan empat anugerah bagi menghargai sumbangan beberapa pihak dalam perjuangan berkaitan dan pemuliharaan khazanah alam.

Sementara itu,

Sekolah Antarabangsa Islamik Idrissi dipilih sebagai pemenang 'Eco Primary Education Award 2016' dan Sekolah Antarabangsa Cempaka memenangi kategori 'Eco Secondary Education Award 2016'.

Bagi kategori 'Eco Tertiary Education Award 2016' pula, Universiti Putra Malaysia (UPM) dipilih sebagai pemenang dan TNB merangkul anugerah untuk anak syarikat berkaitan kerajaan (GLC).



Sultan Sharafuddin (dua, kanan) berkenan menyampaikan anugerah kepada Mohd Aminuddin (kiri) selepas TNB terpilih memenangi kategori GLC.



Shariffa Sabrina berucap ketika Makan Malam Gala Amal Peka 2016, semalam.



Pelajar Sekolah Antarabangsa Islamik Idrissi menyampaikan bacaan doa sebelum majlis makan malam.



Sultan Sharafuddin berkenan menyampaikan anugerah bagi kategori Eco Secondary Education Award 2016 kepada Frieda.



Sultan Sharafuddin dan Shariffa Sabrina bergambar bersama penerima anugerah.



Sultan Sharifuddin dan Shariffa Sabrina bersama tetamu kehormat yang menghadiri majlis.



Shariffa Sabrina mengiringi ketibaan Sultan Sharafuddin ke Makan Malam Gala Amal Peka 2016.